



Bosna i Hercegovina
Federacija Bosne i Hercegovine
Unsko – sanski kanton
Općina Velika Kladuša
Općinski štab civilne zaštite

Datum: 23.03.2020. godine

Općinski štab civilne zaštite Općine Velika Kladuša u cilju praćenja situacije i poduzimanja mjera sprječavanja i ranog otkrivanja slučajeva bolesti izazvane novim koronavirusom (COVID -19), u skladu sa Nerebdom Kantonalnog štaba civilne zaštite broj:15-40-4-3326-4/20 od 22.03.2020.godine, na sjednici održanoj dana 23.03.2020. godine, donosi:

NAREDBU

I

Obustavlja se rad svih ugostiteljskih objekata za pripremanje i prodaju hrane i pića: restorana, pizzeria, slastičarni, ćevapdžinica, nargila barova, caffè i bistro barova, klubova, diskoteka, rad kafića u sklopu benzinskih pumpi, tržnih i shopping centara, kao i rad kazina i sportskih kladionica na području Općine Velika Kladuša, do daljnjeg. Od ove Naredbe se izuzimaju oni ugostiteljski objekti koji se pismenim putem prema Općinskom štabu civilne zaštite Općine Velika Kladuša izjasne da će obavljati isključivo dostavu hrane, uz pridržavanje mjera zaštite i fizičkog razmaka prilikom dostavljanja hrane i pića, s tim da i dalje ne smiju služiti hranu i piće u objektu niti primati goste u objekte, pod uslovom da imaju važeće rješenje/odobrenje za rad izdato od strane nadležnog organa.

Obavezuje se služba općinskog organa uprave Općine Velika Kladuša nadležna za poslove privrede da vodi i ažurira evidencije ugostiteljskih objekata koji su dostavili izjašnjenje da će obavljati isključivo dostavu hrane uz pridržavanje propisanih mjera iz ove Naredbe, te da podatke o istima dostavlja Kantonalnoj upravi za inspeksijske poslove u cilju kontrole pridržavanja ove mjere.

Hotelima, hostelima, motelima i apartmanskim smještajima se dozvoljava prijem gostiju na noćenje uz obavezu dostavljanja podataka Ministarstvu zdravstva na adresu: zdravstvo@vladausk.ba i Kantonalnoj upravi za inspeksijske poslove na adresu: inspekcija@vladausk.ba uz pojačanu primjenu higijenskih mjera i mjera dezinfekcije. **ROK: DO DALJNJEG**

II

Obustavljaju se sva kulturna dešavanja i manifestacije u sklopu svih kulturnih institucija, a posebno biblioteka, kina, muzeja, umjetničkih galerija i slično na području Općine Velika Kladuša. **ROK: DO DALJNJEG**

III

Obustavlja se rad javnih bazena i kupališta, sportskih centara, spa centara, fitnes centara, teretana i slično na području Općine Velika Kladuša. **ROK: DO DALJNJEG**

IV

Zabranjuje se održavanje svih javnih i privatnih skupova na području Općine Velika Kladuša, posebno svadbi, proslava i sličnih okupljanja u organizaciji pravnih i fizičkih lica. Zakazanom vjenčanju unutar prostora Općinskog organa uprave mogu pored službenog lica – matičara prisustvovati samo mladenci/budući bračni par i svjedoci. Zabranjuje se obavljanje vjenčanja izvan prostorija Općinskog organa uprave. **ROK: DO DALJNJEG**

V

Ograničava se radno vrijeme administracije na području Općine Velika Kladuša i rad se organizuje (uvodi) u vremenu od 07:30 do 13:00 sati. **ROK: DO DALJNJEG**

VI

Obustavlja se rad svih shopping/tržnih centara, frizerskih i kozmetičkih salona, butika i ostalo. Dozvoljava se rad trgovina osnovnim prehrambenim artiklima: supermarketima, hipermarketima, minimarketima, logističkim i distributivnim centrima hrane, pića i higijenskih proizvoda, pekarama, drogerijama, specijaliziranim trgovinama sa prehrambenim i higijenskim artiklima, trafikama, apotekama, prodavnicama dječije opreme, trgovinama obuće, poljoprivrednim apotekama i trgovinama za hranu životinja, hemijskim čistionicama, prodavnicama ortopedskih i drugih pomagala, benzinskim pumpama (osim djela za pružanje ugostiteljskih usluga), mesnicama, ribarnicama, kioscima i prodavnicama voća i povrća, apotekama, pekarama i benzinskim pumpama (rad na benzinskim pumpama odnosi se na prodaju naftnih derivata i artikle u trgovini, osim djela za pružanje ugostiteljskih usluga). Dozvoljava se rad trgovinama građevinskog materijala, vodo i elektromaterijala, trgovinama auto dijelova i bijele tehnike, te rad građevinskim firmama, knjižarama, mehaničarskim radnjama i sličnim servisnim djelatnostima, uz obavezne pojačane mjere zaštite uposlenika opremljenih zaštitnim rukavicama, maskama i naočalama uz primjenu higijenskih mjera i mjera dezinfekcije i strogo ograničenje broja kupaca koji istovremeno mogu boraviti u prostoru (maksimalno 5. osoba). Svim trgovinama sa dozvolom rada u ovim okolnostima, propisuje se obaveza zabrane grupisanja kupaca i označavanje na blagajni i ulazima rastojanje među kupcima od najmanje dva metra, a rad se organizuje u vremenu od 08:00 do 16:00 sati. **ROK: DO DALJNJEG**

VII

Zabranjuje se svaki vid ulične prodaje, rad buvljih, sedmičnih pijaca, autopijaca i sličnih, izuzev zelenih pijaca na kojima se može prodavati voće, povrće i poljoprivredno – prehrambeni proizvodi do 13:00 sati, uz obavezno pridržavanje higijensko – epidemioloških mjera. **ROK: ODMAH**

VIII

Nalaže se Općinskom organu uprave, svim privrednim društvima, obrtnicima, fizičkim i pravnim licima na području Općine Velika Kladuša da pojačaju provođenje opštih i posebnih mjera zaštite stanovništva od zaraznih bolesti, sa posebnim naglaskom na pojačanu vanrednu dezinfekciju poslovnih površina, te postavljanje dozatora sa dezinficijensom ispred ulaza. Nalaže se zabrana javnog prevoza (autobusi, taxi vozila, kombi vozila i sl.) na području Općine Velika Kladuša. Nalaže se Vatrogasnoj jedinici unutar Službe civilne zaštite Općine Velika Kladuša, JP „Veterinarska stanica“, JKP „VIK“ d.o.o i JKUP „Komunalije“ d.o.o Velika Kladuša provođenje dezinfekcije javnih gradskih površina, ulica i trga u užem dijelu grada Velika Kladuša. **ROK: DO DALJNJEG**

IX

Zabranjuje se okupljanje građana na javnim igralištima, igraonicama, parkovima i drugim javnim površinama na području Općine Velika Kladuša, a sve u cilju zaštite zdravlja stanovništva, u skladu sa prisutnim epidemiološkim rizicima. Zabranjuje se svako privatno okupljanje građana na javnim površinama u periodu od 18:00 do 05:00 sati. **ROK: DO DALJNJEG**

X

Nalaže se zabrana kretanja građanima na području Općine Velika Kladuša u vremenskom periodu od 18:00 do 05:00 sati. Iz zabrane kretanja u navedenom periodu izuzimaju se svi zaposlenici koji su uključeni u provođenje mjera i aktivnosti rješavanja stanja nesreća uzrokovane pojavom koronavirusa (COVID – 19) na području Općine Velika Kladuša, kao i radnici preduzeća čiji radni proces je organizovan u smjenama za vrijeme trajanja ove zabrane. Prilikom kontrole policijskih službenika, lica iz ove tačke dužna su posjedovati lične identifikacione dokumente, dokaz o radnom statusu (iskaznice određenog organa, zdravstvene ili druge ustanove, novinske agencije, određenog preduzeća i sl.), potvrdu poslodavca ovjerenu i potpisanu od strane odgovorne osobe kojom se potvrđuje da je rad osobe na koju se odnosi potvrda organiziran u smjenama i neophodan za održavanje kontinuiteta djelatnosti: **ROK: ODMAH I KONTINUIRANO**

XI

Zabranjuje se provođenje vjerskih obreda svim konfesijama na području USK-a, a koje podrazumjevaju okupljanje većeg broja vjernika na jednom mjestu, do daljnjeg. **ROK: ODMAH**

XII

Traži se od Službe za poslove sa strancima da odredi, u saradnji sa Međunarodnom organizacijom za migracije (IOM), unutar privremenog prihvatnog centra u Velikoj Kladuši, a čiji su upravitelji (Miral Velika Kladuša) da odrede izolacione prostorije u koje bi se mogli izmjestiti sumljivi slučajevi kod migranata i tražioca azila iz tog prihvatnog centra. Traži se od nadležne inspeksijske Službe za poslove sa strancima da vrše kontinuiran nadzor nad poštivanjem mjera samoizolacije u izolacionim sobama ovog prihvatnog centra. Traži se zabrana izlaska i kretanja migranata izvan privremenog prihvatnog centra na području Velike Kladuša, kao i svaki drugi vid kretanja migranata na području Općine Velika Kladuša. Zabranjuje se prevoz migranata svim prevoznim sredstvima: autobusi, taxi i drugo na području Općine Velika Kladuša. Osim prevoznim sredstvima zabranjuje se ulazak migranata na područje Općine Velika Kladuša. Zabranjuje se smještaj migranata u privatne smještajne jedinice tj. individualne stambene objekte, stanovi i kuće. **ROK: ODMAH**

XIII

Nalaže se, da se pored higijensko – epidemioloških službi doma zdravlja, u kontrolu osoba kojima su izdata rješenja o samoizolaciji ili zdravstvenom nadzoru, uključe općinski komunalni redari i inspektori kojima će se od strane nadležnih općinskih organa izdati odobrenja za sanitarni nadzor. **ROK: ODMAH**

XIV

Zadužuju se savjeti mjesnih zajednica da obavještavaju Općinski štab civilne zaštite i policijsku stanicu o poznatim kretanjima osoba kojima su izdata rješenja o kućnoj izolaciji u svojim mjesnim zajednicama. Zaduju se svi predstavnici etažnih vlasnika u zgradama da odmah, u saradnji sa upraviteljima poduzmu mjere pojačane dezinfekcije i čišćenja svih zajedničkih prostorija i površina. **ROK: ODMAH**

XV

Prilikom ukopa umrlih preporučuje se obavljanje obreda sa minimalnim brojem prisutnih (članovi uže porodice) uz pridržavanje mjera minimalnog socijalnog kontakta (bez fizičkog kontakta).

ROK: KONTINUIRANO

XVI

Nalaže se organima upravljanja, upravnim organizacijama, institucijama, javnim ustanovama, preduzećima i ostalim pravnim subjektima koji se bave pružanjem usluga građanima (elektrodistribucija, telekom, pošta, šalter sale općinskog organa uprave, banke i sl.) da uvedu dvokratno radno vrijeme, gdje će između dva radna vremena izvršiti dezinfekcija prostorija i površina. Preporučuje se i da izvrše racionalizaciju potrebnog kadra za obavljanje rada u skladu sa pojačanim higijensko – epidemiološkim mjerama. Svi navedeni subjekti obavezni su dostaviti informaciju o poduzetim mjerama Kriznom štabu na adresu: zdravstvo@vladausk.ba. Dezinfekciju mogu obavljati HES Domova zdravlja, veterinarske stanice i privatni sektor. **ROK: DO DALJNJEG**

XVII

Traži se od nadležnih inspekcija da sankcionišu svaki rast cijena prehrambenih i svih drugih artikala. **ROK: ODMAH I KONTINUIRANO.**

XVIII

Nalaže se svim lokalnim javnim ustanovama, javnim preduzećima, kao i predstavnicima vjerskog, kulturnog i sportskog života Općine Velika Kladuša, da se stave na raspolaganje Općinskom štabu civilne zaštite Općine Velika Kladuša. Zadužuju se savjeti mjesnih zajednica, JU Centar za socijalni rad Velika Kladuša i Crveni križ Općine Velika Kladuša zbog potrebe provođenja mjera „brige za zdravlje i sigurnost stanovništva težeg socijalnog statusa te bolesne, starije i iznemogle osobe“ da Općinskom štabu civilne zaštite redovno dostavljaju podatke o licima slabijeg imovnog stanja koja se nalaze u stanju potreba za hranom, sredstvima za higijenu i lijekovima. **ROK: ODMAH I KONTINUIRANO**

XIX

Nalaže se lokalnim javnim ustanovama, javnim preduzećima, kao i predstavnicima vjerskog, kulturnog i sportskog života Općine Velika Kladuša, da u okviru svojih nadležnosti uspostve jasne procedure djelovanja i koordinacije u pravcu poduzimanja preventivnih mjera i saniranja posljedica izazvanih koronavirusom (COVID -19) na području Općine Velika Kladuša. **ROK: ODMAH I KONTINUIRANO**

XX

Traži se od Ministarstva obrazovanja, nauke, kulture i sporta i JU Pedagoški zavod USK-a da hitno za potrebe svih učenika osnovnih i srednjih škola uspostave online nastavu i donese Priručnik za nastavnike i učenike za upotrebu i rad online platformi. **ROK: ODMAH**

XXI

Organizacije koje se žele uključiti u pružanje pomoći starim i iznemoglim osobama koje su u samoizolaciji ili zdravstvenom nadzoru zbog preventivne zaštite od koronavirusa (COVID – 19), kao i ostaloj starijoj populaciji stanovništva, svoje djelovanje moraju prijaviti crvenom križu Općine Velika Kladuša i crvenom križu Unsko – sanskog kantona. **ROK: ODMAH**

XXII

Ovom Naredbom stavlja se van snage Naredba Općinskog štaba civilne zaštite Općine Velika Kladuša broj:08-40-590/20 od 19.03.2020. godine.